



世界書局印行

景印
藻堂

四庫全書薈要

集
第三
別集
類
冊
部





本冊目次

書名及撰人

卷次

頁次

雞肋集七十卷 宋晁補之撰

卷一至卷七十

三八六一

欽定四庫全書薈要

集部
雞肋集卷一至三

詳校官助教臣謝登雋

欽定四庫全書薈要

雞肋集目錄

卷一

古賦

卷二

古賦

卷三

辭

欽定四庫全書

雞肋集
目錄

卷四

古詩

卷五

古詩

卷六

古詩

卷七

古詩



卷八

古詩

卷九

古詩

卷十

古詩

卷十一

古詩

卷十二

古詩

卷十三

古詩

卷十四

古詩

卷十五

律詩

欽定四庫全書

雞肋集
目錄

二

卷十六

律詩

卷十七

律詩

卷十八

律詩

卷十九

絕句

卷二十

絕句

卷二十一

絕句

卷二十二

絕句

卷二十三

挽辭

欽定四庫全書

雞肋集
目錄

三

卷二十四

上書

卷二十五

罪言

卷二十六

河議

卷二十七

雜著

卷二十八

雜著

卷二十九

記

卷三十

記

卷三十一

記

欽定四庫全書

雞肋集
目錄

四

卷三十二

銘贊

卷三十三

題跋

卷三十四

序

卷三十五

序

卷三十六

離騷序

卷三十七

策問

卷三十八

策問

卷三十九

策問

欽定四庫全書

雞肋集
目錄

五

卷四十

春秋雜論

卷四十一

春秋雜論

卷四十二

西漢雜論

卷四十三

西漢雜論

欽定四庫全書

雜助集
目錄

卷四十四

西漢雜論

卷四十五

唐舊書雜論

卷四十六

唐舊書雜論

卷四十七

唐舊書雜論

卷四十八

唐舊書雜論

卷四十九

唐舊書雜論

卷五十

五代雜論

卷五十一

書

欽定四庫全書

雜助集
目錄

卷五十二

書

卷五十三

奏狀

卷五十四

表

卷五十五

表

卷五十六

啓

卷五十七

啓

卷五十八

啓

卷五十九

啓

欽定四庫全書

雞肋集
目錄

八

卷六十

祭文

卷六十一

祭文

卷六十二

傳行狀

卷六十三

墓表

卷六十四

墓誌銘

卷六十五

墓誌銘

卷六十六

墓誌銘

卷六十七

墓誌銘

欽定四庫全書

雞肋集
目錄

九

卷六十八

墓誌銘

卷六十九

釋氏贊疏

卷七十

釋氏贊疏

臣等謹案雞肋集七十卷宋晁補之撰補之

字无咎鉅野人元豐間進士元祐中除校書

郎紹聖初落職監信州酒稅大觀中知泗州
卒於官初蘇軾通判杭州補之隨父端友宦
於杭軾見所作七述大嘆賞之由是知名與
黃庭堅張耒秦觀為蘇門四學士耒嘗言補
之自少為文即能追考屈宋班揚下逮韓柳
之作促駕力鞭務與之齊而後已晚歲自訂
所作名雞肋集宣和以前避蜀黨秘不傳紹
興中其從弟謙之始編次為七十卷刊於建

陽云乾隆四十二年八月恭校上

總纂官臣紀昀臣陸錫熊臣孫士毅

總校官臣陸費墀

雞肋集原序

雞肋集左朝奉郎秘書省著作郎充秘閣校理國史編
修官濟北晁補之无咎自名其所為詩文也夫物有質
者必有文文者質之所以辨也古之立言者當之平居
論說諷詠應物接事不能無言非虎豹犬羊之異也食
之則無所得棄之則可惜其雞肋乎故哀而藏之謂之
雞肋集元祐九年二月旦日序

欽定四庫全書薈要卷一萬五千二百六十八 集部

雞肋集卷一

宋 晁補之 撰

古賦四首

求志賦

釋求志附

幼余不自知慙兮願求古人而與之游高平邑於大野
兮魯東鄙而北鄒固余心其惻款兮求前聖又不遠豈
無鄰莫可與謀兮治邠氏而俗泮幽離房誠不忍兮棄

欽定四庫全書

雞肋集
卷一

此而莫能歲執徐之青陽兮余先子乎東征橫武林之
大江兮睚始寧之南邑路會稽以周流兮求歷山之所
在昔封嶠之世守兮以後夫而致刑越懲恥於夫椒兮
進樵女而抑心懿二臣以國霸兮卒焉異夫出處行束
薪而自言兮妻不忍而求去助申威於司馬兮卒隕聲
以淮南盱訴死於婆娑兮悲綽約之亦殲彼章陳之詭
嘯兮既睟眊於甲夜何仲御之清激兮而亦云駭夫觀
者紛回冗其莫識兮泮千載而迹陳思苗山猶若茲兮

又何悲乎曲水惟鄭公之志約兮逢神人焉靡求山岬
崕而谷紆兮風瀏瀏乎旦莫耿吾何不可畱此土兮竊
悲越人之機豈其食鮭而化音兮無所用吾之綏冬矇
矇其多雨兮夏瘴熱以生蠱溪水之淺深兮舟上下而
擊石吾遵夏蓋之山兮聊以觀乎遠海吾先子之初服
兮羌董道而不改小人之有心兮猶不假器末余從於
東安兮依哲人而聞誼蜀蘇子之有廬兮漢遺化而多
儒往者其不可及兮曷不從子之廬朝余食乎山中夕
余宿乎江上悲世俗之近市兮余安能忍而與之皆往
余令樓季為右兮使王陽前余世解纜而馳石兮緬余
得此坦塗良吾輒使環滸兮密吾牙使樸屬攬九州而
顧懷兮夫安知余力之不足邁余生之罹閔兮歸將母
乎故都伏里門而畏鄰兮幽獨守此四隅時命大謬兮
吾廷廷欲何之慨永夏之宜養兮霜夢然其萃之增歔
歔以吸泣兮殺身其安可宇摧榮而藩冗兮雀鼠去而
不舍惜四序之不淹兮春藹藹其既菲攬卉木猶若茲

欽定四庫全書

雞肋集
卷一

兮吾獨不聊此時悲予仲之婉孌兮饒其心以詩禮吾
不能操贏而坐閭兮耘東山而自食歲旱暵而不雨兮
螟又生余之場屬歲秋之有穀兮河出墳而湯湯於陵
子之終編兮井上李其猶飽服芬芳而潔腹兮夫豈不
足以忘老衆傑儼而好朝兮咸得時而的皪持衣裘而
鬻暑兮余固知余賈之不售思遐舉而莫從兮心紆軫
而盡傷訊黃石以吉凶兮基十二而星羅曰由小基大
兮何有顛沛既非初志之敢期兮曾何以知其所繫類
清濟以去垢兮芝九莖而為華宵倚楹而悲詫兮疇獨
憂余之無家蕭苑候之慷慨兮孰云非食之故濟澶淵
之靈津兮橫中流而颺怒思城闕之挑達兮勉踵夫昔
之人羿之志於穀兮亦反求夫余身小人不知學禮兮
畏罪罟之所尋宋七世之炳靈兮皇純佑此下土舉賢
而授能兮哀莞獨此黎庶牧羊而肥兮式亦用夫有聞
辟雍之洋洋兮宇干日而糾紛連袂以成雲兮汗而為
雨豈余不足於同門兮獨惆悵而延佇先事而後得兮

惟其食者之責舉九鼎於鯢淵兮亦人假夫一臂余張
子之好脩兮蹇博大而無朋雪霏霏而宇凍兮松栢不
改其青固黃子嘗語余兮曰此是為明月雖工師不以
佩兮保厥美亦未艾彼喔咻為已甚兮羌浮石而沈木
子雲之好思兮亦衆評其寂寞虞氏之為政兮舉五臣
而與言彼霖霖之射谷兮何足以容江潭之鱣衆不察
余之情兮求余初猶未沫超孤舉而遠尋兮唯夫不足
而論世良恫韓而成漢兮皓保惠而悟高成功則去兮
曾何足以介其一毛融躬行既卒驕兮禹服義亦太靡
陳輜車與乘馬兮桓榮亦首乎富貴蕃居室其不理兮
滂之志以四海允膺之激烈兮羌不以生而昧義意豈
弟神所嘏兮固何以罹此之不祥豈其莫忍鄰之梓兮
紛救鬪而得傷嘉林宗之善裁兮要成敗以不失寧遵
不知時之可為兮行漁瀨以畢世喟嵇康之蹈盡兮愧
孫子具安補阮清舌而咎目兮潛固自識而遠去謂道
不可為兮為者敗之衆窳然咸不留兮惟至人焉在之

泮千祀而語鄰兮孰與至人之服意神龍之乘雲兮吾欲從焉以足士生各有遇兮吾何為侘傺乎此時曾藿菽不足以化兮求余身其庶幾滋蘭以旨蓄兮菊以為糗修忠信以抑躁兮夫安知余時之後圖前聖吾永賴兮攬百子與竝興時期翔於道與兮歷年歲以為娛

釋求志

求志自敘也予從先人寓鉅野又從先人仕會稽又從先人仕杭余仕於澶仕於魏而後仕於太學故求志所

叙如此高平邑於大野謂高平鉅野縣也魯人好文學而獨邴氏以治富魯人所以去文學趨利者以邴氏故也是見地理志貨殖傳離房別房也揚雄云芳酷烈而不聞兮不如襞而幽之離房武林餘杭也始寧上虞也歷山舜所耕也封嵎防封氏禹執而戮之者也夫椒吳所棲勾踐之山而西施蓋樵家女二臣大夫種范蠡信威司馬者嚴助也曹娥父名盱章陳云者章丹陳珠二女巫夜祠詭嘯夏統見而驚走者也而仲御亦嘗見賈

充叩舷吳歌致風雲予怪之仲御夏統字也苗山即會稽山曲水永和諸君所集處鄭弘遇神人於若耶溪云願旦南風莫北風夏蓋上虞海旁山名自此以上上虞事東安杭州新城也予始見看山蘓公於杭故云未予從於東安兮依哲人而聞誼樓季古善御者王陽不馳九折坂者也予自謂至此乃知學之所趨猶出荆棘險阻得大塗而思驚也環潏樸屬考工治車說車君子之器車工而後可以致遠君子修而後可以涉世自此以上

新城事將母故都予喪先人歸濟時也予仲無數也東山濟東郭子所田處比二年不雨河決卒不穫於陵子於陵仲子也傑僂猶參差見甘泉賦趣市者平旦側肩爭門而入日莫之後掉臂而不顧故云衆虎象而好朝謂干時者也世所用卜靈柩者曰是為黃石書始予免喪占之繇曰由小至大無有顛沛予自謂非予志所期也頽清濟而以芝為華以況余不敢汙以干時倚楹魯漆室女中宵悲嘯鄰人疑其欲嫁者也蕭望之嘗為小

苑東門侯自謂各從其志予莫之澶淵予為掾時事挑達予教授北京時事予去北京為太學正故曰辟雍之洋洋鯢桓九淵名舉鼎九淵非一臂力然一臂亦有助也張子予太學同舍文潛也文潛不苟合於人黃魯直為明月篇遺之曰天地具美兮生此明月陞白虹兮貫朝日予愛之浮石沈木無是道也而誣善者其言嘗類此大才而小使之譬霖霖非鱣所游也求斯世而莫予知也則思古人焉孟子所謂是以論其世也故曰惟夫

不足而論世自恫韓成漢至潛固自識而遠去皆論世之事也馬融張禹驕靡桓榮以車馬夸弟子皆不足言陳蕃范滂王允李膺李固以忠殺身亦可傷矣夫惟無心於為者為能為天下張良四皓所以成也知其不可而不為則若林宗淵明可矣有光武而嚴陵去之非也遵陵也阮籍在晉人中頗能自濁口不臧否人物而為青白眼殆矣故曰阮青舌而咎目也餘子搶攘小人之中如捧土救河潰卒與之俱溺豈不痛乎故曰為者敗

之懲數子之為而敗而不知時之可為又蔽矣而予又不足為也故終欲求之于身

夢覲賦

歲闋逢之泥灘兮前日至而匪思夢啾耳之甕甕兮翁青蠅其玃楮咸南徙而未逝兮遺其矢如散絲余俛避而不汙兮一媼背之淋漓胞不知其可穢兮偶竝趨於西帷媼左目之穴枯兮萍四五其萃之旁兩媼之無言兮亦依帷而靡期朝怛寤而自診兮營營發詩而可知寒俱翔而遺矢兮技止此其奚為惟一盲而兩默兮與目萍為何機豈眇視不足與明兮萍非寄而終離羌何為而睽此兮神無心而罔私拜受神祥兮編之冊詞文女三之為姦兮比匪人而惡之微夫周公之為見兮迺若此其余衰欲徼福則安敢兮問故老其增疑苟不污為已免兮謝三媼之難知

坐愁賦
并序

魯人閻子仲武行年七十四躬耕於鄙歲早不入而色

藜藿促鼓其琴作坐愁之聲嘗所與游晁子補之恐其傷也為作坐愁賦假翁與過者語以解之其詞曰

彼何人而處廓兮匪三閭而獨醒鬢毛臻其雪糝兮眸子瞭其星明塊獨守此中野兮困無禾而饑清拂素琴之浮埃理坐愁之遺聲忽推几而睨天送飛鴻之杳冥或過其前曰有心哉然何求昔林類之行歌云既老而無憂翁年運而德加翁何為乎坐愁翁偶顧而若聞猶援琴而不捨曰子非魯之儒服者耶何以不知漆室女

者晝輟絃而淫思宵倚楹而悲咤彼淺哉其量人匪魯憂而欲嫁豈不誤耶吾亦傷夫魯之君子昔在厄而不糝賜自殖而何誅顧樂軒而中紺羌同道而恥茲廼長饑乎回憲彼林類其何人雖信賢而獨善或者曰未既也請言翁之近者昔蘓門之遯民絰枯桐之一絃匪無絃之寂默異五絃之啾誼對阮子惟長嘯為嵇生纔一言人欲怒之戲排諸淵勃宰而出則又粲然彼何知夫坐愁幾蹢躅乎樂天矣然聖人猶以謂樂天有憂之大

者也况憂人之憂豈有既哉於是翁泛然可油然謝曰憂樂外矣吾當虛之

坐進庵賦

有物于此無梁無柱圓廣六尺非因非窳粟米之宅上蒙藁秸下履瓴甌塗墁晦外中腹純白平時鼠竄俯仰不迫主人惜學敢謁之客客曰此夫外丘阜而內穴谷者歟上荷笠而下湊輻者歟首枝撐而身純束者歟有登降而無阼賓者歟混沌既死竅鑿乃張牖則有目戶則有吭櫓巢營窟太古所藏周旋無間病於德方邑都莫賢原野則良者歟雖然可以五人羣居宇宙有餘不可以八口次且孰知婦姑彊名坐進其實中虛聞諸博識是謂屠廡

雞肋集卷一

欽定四庫全書薈要卷一萬五千二百六十九

集部

雞肋集卷二

宋晁補之撰

古賦五首

北渚亭賦并序

北渚亭熙寧五年集賢校理南豐曾侯鞏守齊之所作也蓋取杜甫宴歷下亭詩以名之所謂東藩駐阜蓋北渚凌清河者也風雨廢久州人思侯猶能道之後二十

欽定四庫全書

雞肋集卷二

一年而秘閣校理南陽晁補之來承守乏侯於補之丈人行辱出其後訪其遺文故事廩有存者而圃多大木歷下亭又其最高處也舉首南望不知其有山嘗登所謂北渚之址則羣峰屹然列於林上城郭井閭皆在其下陂湖迤邐川原極望因太息語客想見侯經始之意曠然可喜非特登東山小魯而已迺撤池南葦間壞亭徙而復之或請記其事補之曰賦可也作北渚亭賦其詞曰

登夷丘之故墟兮睇岱宗之獨立根旁礴而維坤兮支扶疎而走隰踰琅邪與鉅野兮梁清濟而北出前溪漫而將屯兮後摧確其相襲圯者扈者嶧者岵者礪者者障魯屏齊曰惟歷山或肺附之箕拱環連勢厓絕而脈泄兮萬源發於其間谷射沙出浸淫漑漑潏潏沁彭淖渤滴忽瀟起而成川經營一國其利汾澮防為井沼壅為碓磳得平而肆迺滉漾而滂沛經民間而貫府舍兮渚為池之千畝惟守之居面巖背阻邈闔閭之遺

欽定四庫全書

雞肋集卷二

二

址兮肇嘉名乎北渚悲經始之幾何兮牛羊牧而宇顛非境勝之為難兮善擇勝之為難嘗試觀夫其園千章之萩合抱之楊立而成阡躋歷下之宮堯望南山之孱顏脩榦大枝出欄造天藐矧岫之蔽虧乍髣髴其雲煙思僊人之樓居尚輕舉而高飈盍駕言其北游登斯渚而盤桓岡巒忽其翔舞萩楊眇以如箸撫千里於一眸收城郭乎環堵其下坡湖汗漫葭蘆無畔菱荷荇藻蘅荃杜茝衆物居之浩若煙海歲秋八月草木始衰乃命

晉罟觀漁其睢鳴根四合方舟順涯鱸鯉窘乎深塘兮
鴻雁起於中泚復有桂舫蘭柁浮游其中榜歌流唱自
西徂東纖餌投隈微鱗掛空客顧而嬉傾盃倒鍾明月
出於缺嶺夕陽眇其微紅天耿耿而益高夜寥寥其方
中駭河漢之衝波披海岱之冷風恐此樂之難留兮願
乘槎乎星渚期韓終與偓佺兮采芝英乎瑤圃庶忘老
而遺死兮路漫漫其修阻於是酒含太息中座語客曰
自昔太公奄有此丘是征五侯桓公用之攘狄尊周方
其盛時山河十二號稱東秦臨淄遨樂中具五民秋田
青丘實園海濱而薛又其小邑也區區之賦食三千人
其彊孰與此哉觀華不注竭其孤嶽虎牙桀立芙蓉菡
萏尚想三周追奔執轡下車取飲僅以身免困責質於
蕭同尚何私乎紀甌而齊自是亦不競矣夸奪勢窮雖
彊安在事以日遷而山不改則物之可樂固不可得而
留也認而有之來不可持所玩無故去何必悲此齊侯
之所雪涕而晏子之所竊嗤也今我與客論古人則知

迷屬有感而歎歎豈不重惑也哉仕如行賈孰非逆旅
託生理於四方固朝秦而暮楚曾無必於一笑尚何知
乎千古於是客輒然喜再拜舉觴而前曰凡主人言理
實易求而我曠然已忘昔憂使客常滿使酒不空請壽
主人如漢孔公主人亦輒然喜受飲反觴執客之手而
言曰詩固有之未見君子憂心忡忡既見君子云胡不
樂再拜洗觴而酬客舍然大笑

是是堂賦 并序

是是堂彭城劉子義仲之所作也劉子讀古人書則曰
文王我師也周公豈欺我哉處今行已則欲就有道而
正焉抑荀子所謂是是非非謂之智者以名其堂而居
之而南陽晁子補之聞而疑之曰劉子果於自信果於
不信人也哉夫理無常是事無常非使天下舉以為非
而劉子獨曰是將誰使取正使天下舉以為是而劉子
獨非之安得力而勝諸嘗與劉子問津於無可無不可
之塗而弭節乎兩忘之圃夫安知吾是之所在故賦其